

## REGLUGERÐ

### **um sannprófun á þyngd hlaðinna gáma um borð í skipum.**

1. gr.

*Gildissvið.*

Með reglugerð þessari er mælt fyrir um aðferðir sem fylgja skal við sannprófun á þyngd gáma sem hlaðið er í hér á landi og fluttir eru með skipum sem sigla frá íslenskum höfnum.

2. gr.

*Skilgreiningar.*

Í reglugerð þessari er merking eftirfarandi hugtaka sem hér segir:

1. *Farmsendandi*: lögaðili eða einstaklingur sem tilgreindur er á farmskírteini, sjóflutningsskjali eða sambærilegu fjölnota flutningsskjali, t.d. framhaldsfarmbréfi, sem sendandi og/eða sá sem gert hefur samning um flutning, eða í hvers nafni eða fyrir hvers hönd samningur um flutninga hefur verið gerður, við skipafélag.
2. *Fulltrui gámastöðvar*: einstaklingur sem er tilnefndur af gámastöðinni eða annarri aðstöðu þar sem skipið lestar eða losar og er ábyrgur fyrir þeirri starfsemi sem fer fram í gámastöðinni eða aðstöðunni í tengslum við viðkomandi skip.
3. *Gámur*: flutningaeining samkvæmt skilgreiningu í samningnum um örugga gáma (CSC) frá 1972, með áorðnum breytingum. Í þessu sambandi skal tekið tillit til endurskoðaðra tillagna um samræmda túlkun og framkvæmd sammingsins um örugga gáma frá 1972, með áorðnum breytingum (CSC.1/Circ.138/Rev.1).
4. *Hlaðinn gámur*: gámur hlaðinn eða fylltur með vökva, lofttegundum, föstum farmi eða farmhlutum, þar á meðal eru bretti, pökkunar- og sjóbúningstæki, svo sem festingar og timbur til að skorða farm.
5. *Sannprófaður þungi*: heildarbrúttóþungi hlaðins gáms sem fæst:
  - a) með því að vigta hlaðna gáminn með viðeigandi vog í samræmi við reglur sem mælt er fyrir um af hálfu lögbærs yfirvalds í því ríki þar sem gámurinn var lestaður (aðferð 1), eða
  - b) með því að vigta alla pakka og farmhluta, þar á meðal bretti, timbur til að skorða farm og önnur sjóbúningstæki sem eru í gánumnum og bæta síðan við þyngd gámsins (tara) við summu þunga allra farmhluta með því að beita viðurkenndri aðferð (aðferð 2) sem samþykkt er af lögbæru yfirvaldi ríkisins þar sem lokið var við að hlaða gáminn.
6. *VGM-skráning*: skjal og/eða rafræn skráning þar sem farmsendandi eða einstaklingur með heimild samkvæmt því gefur upp og staðfestir með undirskrift sinni upplýsingar um sannprófaðan þunga hlaðins gáms.
7. *Viðeigandi vog*: mælitæki sem uppfyllir annaðhvort ákvæði tilskipunar Evrópubgingsins og ráðsins 2014/32/ESB, eða ákvæði tilskipunar Evrópubgingsins og ráðsins 2014/31/ESB um samræmingu laga aðildarríkjanna um að bjóða mælitæki fram á markaði, með áorðnum breyttingum, eins og þær eru innleiddar í íslenskan rétt.
  - a) um ósjálfvirkar vogir (vogir sem stjórandi þarf að hafa afskipti af meðan á vigtun stendur), nákvæmniflokkur IV eða betri, eða
  - b) um sjálfvirkar vogir (tæki sem ákvarðar þyngd vöru án afskipta stjórnda), nákvæmni flokkur Y(b) eða betri.
8. *Viðurkennd aðferð*: beiting vottaðs gæðastjórnunarkerfis sem tryggir að sannprófaður þungi sé ákvarðaður í samræmi við viðaukann við þessa reglugerð og hefur verið sett upp og er notað og viðhaldið í samræmi við viðurkennda staðla. Gæðastjórnunarkerfið sem vísað er til í þessari grein skal hljóta vottun faggilts vottunaraðila. Um faggildingu vottunaraðila fer samkvæmt lögum um faggildingu nr. 24/2006.

## 3. gr.

*Staðfestur brúttóþungi gáma.*

Samgöngustofu er við eftirlit með skipum heimilt að sannreyna að ákvæðum þessarar reglugerðar sé fullnægt.

Þegar kveðið er á um í þessari reglugerð gögn um sannprófaðan þunga skal einnig samþykka rafræn skjöl.

## 4. gr.

*Skyldur farmsendanda.*

Farmsendendur vöru, sem hlaðið er í gáma á Íslandi í þeim tilgangi að flytja þá sjóleiðina, skulu staðfesta að skráður hafi verið sannprófaður þungi gáms í samræmi við þessa reglugerð.

Koma skal VGM-skráningunni í hendur skipstjóra skipsins eða fulltrúa hans og til fulltrúa gáma-stöðvar í fyrstu lestunarhöfn með nægilegum fyrirvara til að auðvelda undirbúning lestunaráætlunar skips.

## 5. gr.

*Lestun.*

Ef ekki er unnt að leggja fram sannprófaðan brúttóþunga hlaðins gáms hjá skipstjóra, fulltrúa hans eða fulltrúa gáma-stöðvar skal skipstjóri hafna lestun gámsins um borð í skip.

Skipstjóri skipsins, fulltrúi hans og fulltrúi gáma-stöðvarinnar geta ákveðið að ganga úr skugga um sannprófaðan þunga hlaðins gáms.

## 6. gr.

*Refsiákvæði.*

Brot gegn ákvæðum reglugerðar þessarar varða sektum samkvæmt VII. kafla laga nr. 47/2003 um eftirlit með skipum, sbr. 2. mgr. 1. gr. laganna.

Ef ekki er um að ræða upptöku ávinnings brots, skal við ákvörðun sektar hafa hliðsjón af stærð eða ætluðum fjárhagslegum áviningi.

## 7. gr.

*Gildistaka og lagastoð.*

Reglugerð þessi, sem sett er með heimild 1. gr. laga nr. 47/2003 um eftirlit með skipum, með síðari breytingum, öðlast þegar gildi. Frá sama tíma fellur brott reglugerð nr. 1066/2016, um sannprófun á þyngd hlaðinna gáma um borð í skipum.

Reglugerð þessi er sett til samræmis við kröfur 2. reglu VI. kafla alþjóðasamnings um öryggi mannlífa á hafinu (SOLAS) eins og honum var breytt með ályktun MCS.380(94).

*Samgöngu- og sveitarstjórnarráðuneytinu, 3. apríl 2018.*

**Sigurður Ingi Jóhannsson.**

*Ragnhildur Hjaltadóttir.*

## VIÐAUKI

### **Aðferð við að sannreyna þunga allra pakka og farmhluta o.s.frv. í hlöðnum gámi (aðferð 2).**

Útreikningur brúttóþunga hlaðinna gáma.

#### **1. skref - þyngd farms.**

Finna skal þunga farmhluta sem flytja á með því að leggja saman þyngd allra hluta. Að því er varðar vörur í lausri vigt má ákvarða þunga hennar annaðhvort á grunni mælingar með kvörðuðu áfyllingartæki eða með því að vigta vöruna.

#### **2. skref - þyngd umbúða.**

Þyngd umbúða skal ákvörðuð annaðhvort með því að nota upplýsingar frá framleiðanda umbúða eða með því að nota upplýsingar frá sendanda/framsendanda, sem hafa verið sannreyndar og fluttar inn í gæðastjórnunarkerfi þeirra.

#### **3. skref - þyngd bretta, sjóbúningstækja og timburs til að skorða farm.**

Þungi bretta, umbúða og sjóbúningstækja, festinga og timburs til að skorða farm skal ákvarðaður annaðhvort með því að nota upplýsingar frá framleiðanda, sendanda eða framsendanda eða með því að nota upplýsingar um þunga sem hafa verið vistaðar í gæðastjórnunarkerfi. Farmsendandi er ávallt ábyrgur fyrir réttmæti þessara upplýsinga.

#### **4. skref - törupungi tóms gáms.**

Farmsendandi skal nota törupungann sem tilgreindur er á gámnum.

#### **5. skref - brúttóþungi hlaðins gáms.**

Leggja skal saman þungann sem fæst samkvæmt 1. til 4. skrefi til að fá brúttóþunga hlaðins gáms.

#### **Nákvæmni útreiknings sannprófaðs brúttóþunga hlaðins gáms.**

Þegar þessum reikniaðferðum er beitt geta hinarr ýmsu þyngdir sem lagðar eru saman til að ákvarða brúttóþunga verið breytilegar. Til dæmis getur þyngd trébretta, timburs til að skorða farm og sjóbúningssaura verið breytileg með tillit til rakastigs. Einnig getur vigtunarbúnaður sem notaður er til að ákvarða þyngd einstakra þátta og smávægilegur munur á törupunga tómra gáma og farmhluta valdið frávikum.

Það er viðurkennt að frávik geta orðið þegar aðferð 2 er notuð til að sannreyna brúttóþunga hlaðinna gáma. Slík frávik skulu skjalfest og meðhöndluð samkvæmt gæðastjórnunarkerfi farmsendanda. Í þessu sambandi skal tryggt að summa þessara frávika sé lítilvæg miðað við raunverulega þyngd.

Framangreind möguleg frávik í brúttóþunga hlaðinna gáma takmarka ekki ábyrgð farmsendanda að ákvarða af nákvæmni sannprófaðan brúttóþunga hlaðinna gáma í samræmi við ákvæði sem kveðið er á um í 2. reglu VI. kafla í SOLAS-samþykktinni.